

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO/TUŽITELJSTVO
ZENIČKO-DOBOJSKOG KANTONA

„HITNO PRITVOR“

Broj: T04 0 KT 0070688 26
Zenica, 28.08.2026. godine

OPĆINSKI SUD U ZENICI
Sudiji za prethodno saslušanje
ZENICA

Na osnovu člana 45. stav 2. tačka i) u vezi sa članom 241. stav 1. Zakona o krivičnom postupku F BiH (ZKP F BiH), podižemo

O P T U Ž N I C U

Protiv:

M. A., ...,

što je,

dana 10.08.2026. godine, na području Zenice, u kući u kojoj stanuje na adresi ..., ..., suprotno odredbama članova 4, 19 i 20 Zakona o sprečavanju i suzbijanju opojnih droga u BiH, neovlašteno proizvodio i kod sebe držao, a radi dalje prodaje opojnu drogu Cannabis koja sadrži psihoaktivnu komponentu tetrahidrokanabinol (THC) u udjelu većem od zakonom propisanog, upakovanu u vrećici koja se nalazila u tegli neto mase 109,366 grama; četiri (4) ručno pravljenе cigarete; pedesetpet (55) sjemenki Cannabisa, dvadeset i osam (28) stabljika Cannabisa čije sjemenke sadrže psihoaktivnu komponentu tetrahidrokanabinol (THC) u udjelu većem od zakonom propisanog i opojnu drogu amfetamin upakovanu u dva paketića neto mase 2,501 grama, koja droga je pod rednim brojem 13. Liste opojnih droga i rednim brojem 26. Liste psihotropnih tvari iz tablice I „Zabranjene tvari i biljke“ proglašena kao takvom, te tanjur na kojem se nalazili tragovi psihoaktivne komponente amfetamin i kofein, pet komada sijalica duguljastog oblika, dvije sijalice duguljastog oblika, više komada pvc kesica sa zip zatvaračem, prenosni klima uređaj marke "...", ventilator bijele boje, tri sijalice sa aluminijskim odvodnim cijevima, vertikalni rashladni uređaj, digitalni termometar sive boje, digitalni termometar sive boje, digitalni termometar bijele boje, digitalni uređaj crne boje, ventilator sive boje, iako je znao i bio svjestan da je proizvodnja i posjedovanje opojne droge radi dalje prodaje zakonom zabranjeno, što je i htio, koja opojna droga i predmeti su od istog pronađeni i oduzeti od strane policijskih službenika Uprave policije, Sektora kriminalističke policije MUP-a Ze-do kantona prilikom pretresa kuće i pomoćnih objekata dana 10.08.2026. godine.
dakle, radi dalje prodaje proizvodio i kod sebe posjedovao opojnu drogu,

čime bi počinio krivično djelo neovlaštena proizvodnja i stavljanje u promet opojnih droga iz člana 238. stav 1. KZ F BiH.

Radi toga, stavljam o

PRIJEDLOG
dokaza koje treba izvesti

....

3. Predlažemo sudu da se na osnovu člana 78. stav 1. KZ F BiH i člana 238. stav 4. KZ F BiH od osumnjičenog M. A. oduzme opojna droga preostala nakon vještačenja, koja se nalazi u depozitu Uprave policije, Sektor kriminalističke policije, Odsjek za borbu protiv zloupotrebe opojnih droga MUP-a ZDK.

4. Da se na osnovu člana 78. stav 1. KZ F BiH od osumnjičenog M. A. oduzmu predmeti koji su bili upotrijebljeni i koji su bili namijenjeni da budu upotrijebljeni za počinjenje krivičnog djela i to: tanjur na kojem su se nalazili tragovi psihoaktivne komponente amfetamin i kofein, pet komada sijalica duguljastog oblika, dvije sijalice duguljastog oblika, više komada pvc kesica sa zip zatvaračem, prenosni klima uređaj marke "...", ventilator bijele boje, tri sijalice sa aluminijskim odvodnim cijevima, vertikalni rashladni uređaj, digitalni termometar sive boje, digitalni termometar sive boje, digitalni termometar bijele boje, digitalni uređaj crne boje, ventilator sive boje, koje se nalaze u depozitu Uprave policije, Sektor kriminalističke policije, Odsjek za borbu protiv zloupotrebe opojnih droga MUP-a ZDK.